

Հանդիպելու
չհար

Bookmark

Անի Բոչար

Հանգնեցրե՛լ
չկո՛ւ

Ինչպես պայթարել,
երբ թվում է՝ հույս չկա:

new
mag

ԵՐԵՎԱՆ
2020

ՀՏԴ 821.19-94 Քոչար

ԳՄԴ 84(5Հ)-4

Ք 821

Ք 821 Քոչար Անի

Հանձնվել չկան/ Անի Քոչար.– եր.: Newmag, 2020.– 160 էջ:

2018-ի մայիսին Անին պարզում է, որ արյան քաղցկեղ ունի: Գերմանիայում բնակվող մորն այս շոկային լուրն անհավանական է թվում: Բայց բժիշկները խորհուրդ են տալիս բուժումը սկսել առանց հապաղելու: Այնքան իսպառնալի է արվում ամեն ինչ, որ նույնիսկ գործերը կարգի բերելու ժամանակ չի լինում:

Հուսալիտալացումից 2 օր անց պարզվում է, որ Անիի արյան քաղցկեղն ամենաարդ տեսակն է: Ապաքինման հավանականությունը շատ ցածր էր: Այնուամենայնիվ, նա որոշում է սկսել ու շարունակել բուժումը: Կանցնի մի քանի ամիս, և Անին կորոշի դադարեցնել բուժումն ու գնալ տուն...

Վաճառվող գրքերից անկեղծությամբ գրված այս դրամատիկ հուշագրությունը ներկայացնում է երիտասարդ կնոջ պայքարի բարդ ուղին, բախտորոշ որոշումներ կայացնելու դժվարությունները, ծանր մտորումները կյանքի ու մահվան սահմանագծին:

Այս պատմությունը չափազանցված չէ, դեպքերն ու դեմքերը փոփոխված չեն: Հեղինակը փոխանցում է իր անձնական փորձը, որը կարող է հուզել, վախեցնել, բայց նաև ոգևորել և օրինակ ծառայել: Առաջին անգամ հայ կինը հրապարակավ խոսում է իր ամենածանր հիվանդության, ամենակուլ վախի ու ամենամեծ հաղթանակի մասին:

ՀՏԴ 821.19-94 Քոչար

ԳՄԴ 84(5Հ)-4

ISBN 978-9939-9217-9-2

Հանձնվել չկան © 2020 Անի Քոչար, «Նյու Մեգ» ՍՊԸ

Հեղինակի լուսանկարը՝ Դանիել Ղազարյանի

Ֆոտոսեսիային հեղինակի դիմախարդարումը՝ Make-Up Studio-ի

Այս գրքի հեղինակային բոլոր իրավունքները պատկանում են «Նյու Մեգ» ՍՊԸ-ին:

Ես թերևս կորոնավիրուսով վարակված ամենահայտնի հայ վլոգերներից մեկն եմ: Ես համացանցում պատմում էի, թե ինչպես եմ վարակվել, ինչպես է ընթանում բուժումը, ինչպես է անցնում առօրյան: Այդ տեսանյութերի հրապարակումից հետո ինձ շատերը հարցնում էին՝ պե՞տք էր լինել այդչափ անկեղծ ու բաց (հատկապես որ տեսանյութերը տարածվեցին և՛ սոցցանցերում, և՛ ավանդական մեդիայում): Չէ՞ որ գործարար եմ և քուլչ, ու գուցե իմ հաճախորդներն ու ուսանողները խուսափեն ինձ հետ շփվելուց:

Սակայն իմ վլոգին պատակը բոլորովին այլ էր: Ես հասկանում էի, որ Հայաստանում և աշխարհում ձևավորվել էր վարակի հանդեպ անառողջ վերաբերմունք: Վարակակիրները կարծես խարան ունենային, որից պետք է ամաչեին ու որը պիտի գաղտնի պահեին: Ավելի վատ էր այն վարակվածների վիճակը, որոնք քրոնիկ հիվանդություններ ունեին և հիվանդանոցում հայտնվել էին դատապարտվածի սարսափն աչքերում:

Ահա դա տեսնելով որոշեցի պատմել իմ բուժման մասին: Մարդիկ պետք է տեսնեն, որ հնարավոր է բուժվել, հնարավոր է ապաքինվել՝ ի հեճուկս նույնիսկ ծանրագույն հիվանդությունների: Ամեն ինչ մեր ձեռքում է:

Իսկ այժմ ձեր ձեռքին Անիի գիրքն է: Մի խիզախ հայուհու, որը չվախեցավ իր հիվանդությունից: Ավելին, շարունակեց բուժումը, երբ նույնիսկ Գերմանիայի լավագույն բժիշկներն էին կասկածում բուժման հնարավորությանը: Նա շարունակեց պայքարը, որից սովորաբար հրաժարվում են շատերը:

Արտակարգ պատահարները, բնական աղետները, պատերազմները, վարակներն ու հիվանդությունները կարող են կոտրել յուրաքանչյուրիս ճակատագիրը: Այդ պատճառով յուրաքանչյուր ոք պետք է ունենա ապրելու իր հավատամքը, պայքարի իր բանաձևը:

newmag-ի այս նախաձեռնությանը միացա և այս գրքի հրապարակմանն աջակցեցի ինձ համար շատ կարևոր պատճառով: Այս գիրքն ունի պարզ, բայց շատ կարևոր ուղերձ: Ուղերձ, որը հարազատ է նաև ինձ: Ուղերձ, որը երաշխավորում է ոչ միայն բարեհաջող ելքը, այլև արժանապատիվ ընթացքը: Ուղերձ, որը կարող է կյանքի հանդեպ մեծ սեր արթնացնել ընթերցողի սրտում: Եթե ամենաձանր պահին, ամենադժվար ժամանակներում, ամենամռայլ օրերին որոշեք պայքարել, հաստատ կհաղթեք: Որովհետև հանձնվել չկա:

Բարի ընթերցում:

Մուշեղ Ավետիսյան
Գործարար և քույր

Բովանդակություն

	Նախաբան	11
Գլուխ 1	Մայիսի 25, 2018	13
Գլուխ 2	Պայքարում եմ, ուրեմն կամ	27
Գլուխ 3	Դու մենակ չես	43
Գլուխ 4	Նոր փորձառություն	55
Գլուխ 5	Արձակուրդ	67
Գլուխ 6	Երկրորդ փուլ	79
Գլուխ 7	Իմ չապրած ամառը	91
Գլուխ 8	Մեկը՝ բոլորի դեմ	105
Գլուխ 9	Երկու կարծիք	119
Գլուխ 10	Որոշումը՝ ապրել	131
	Եվ վերջում	143
	Երախտագիտության խոսք	145

Փոքրիկ Մանեի հիշատակին

Bookmark

- Ալո, Ֆրաու Քոչար, Բիլեֆելդի ոստիկանությունից է:
- Այո, լսում եմ:
- Դուք այսօր առավոտյան արյան անալիզ հանձնել եք:
- Այո, ինչո՞ւ:
- Ոստիկանություն է դիմել այն լաբորատորիայի բժշկուհին, որտեղ ուղարկվել են Ձեր արյան նմուշները: Եվ քանի որ Ձեր ընտանեկան բժիշկն այս ժամին արդեն տեղում չէ, հրատապության պատճառով դիմել են մեզ, որպեսզի օգնենք Ձեզ գտնել: Սակայն Ձեր տվյալները փոխանցելու իրավունք չունեինք, այդ պատճառով էլ մեզ տվեցին իրենց հեռախոսահամարը:
- Լավ, հենց հիմա կգանգահարեմ:

* * *

- Ալո, ներեցեք, ես Անի Քոչարն եմ, Դուք...
- Այո, լավ է, որ գանգահարեցիք, ես սպասում էի: Անի՛, շտապ այցելեք մոտակա հիվանդանոց, Դուք առողջական լուրջ խնդիրներ ունեք:
- Բայց ի՞նչ:

- Ես իրավունք չունեմ որևէ փստորոշում հայտնելու, բայց շատ լուրջ է, իսկ առջևում հանգստյան օրեր են, չարժի հետաձգել, դրա համար էլ փնտրում էինք Ձեզ:

- Հա, բայց ինչ է, ես միայնակ մայր եմ և որդուս չեմ կարող հենց այնպես թողնել ու գալ հիվանդանոց:

- Առավել լուրջ է, քան Դուք կարող եք պատկերացնել:

- Ինչ է:

- Դուք արյան քաղցկեղ ունեք:

Bookmark

Ճակատագրի հեգնանք

Շունչս կտրվում է, սիրտս՝ խփում արագ: Ականջներս խըշշում են: Ոչինչ այլևս չեմ լսում: Հագնվում եմ մեխանիկորեն: Մեխանիկորեն իմ կյանքը կիսվում է երկու մասի՝ զանգից առաջ ու զանգից հետո: Զանգից առաջ: Փորձում եմ հիշել: Տղայիս հետ դասերը պատրաստեցինք, ճաշեցինք, ինձ թոյլ էի զգում: Հյուրասենյակում ենք: Ես պառկած եմ, տղաս ու զարմուհիս «բժիշկ-բժիշկ» են խաղում: Հիվանդը ես եմ: Տղաս ասում է՝ ես քո բժիշկն եմ, մայրի՛կ, ու հիմա քեզ կբուժեմ: Զարմուհիս բուժքրոջ դերում է: Միասին բժշկում են ինձ: Հետո փակ համարից զանգ կգա: Կհապաղեմ պատասխանել: Ներքին մի ձայն կհուշի՝ կարևոր է...

Հեռախոսն անջատում եմ: Շունչս կտրվում է, սիրտս՝ արագ խփում: Քրոջս ասում եմ, որ տղայիս նայի, հավանաբար ուշ կգամ այսօր: Աչքերս թաց են: Քույրս զգուշորեն հարցուփորձ է անում: Չի հավատում լսածին: Պնդում է, որ չհուզվեմ, որ ամեն ինչ կպարզվի, որ հավանաբար սխալմունք է: Ու երկուսով լաց ենք լինում: Ինքը՝ տանը, ես՝

Ճանապարհին: Ու դեռ չգիտեմ, ոչ էլ գիտակցում եմ, որ այլևս երբեք առաջվանը չեմ լինելու:

Հիվանդանոց

Հասնում եմ ընդունարան՝ մտովի անընդհատ կրկնելով, որ հավանաբար սխալմունք է: Սպասում եմ հերթապահ բժշկին: Արյան անալիզն են կրկնում: Տալիս են շատ հարցեր՝ ինչպե՞ս եմ ինձ զգացել վերջին ամիսներին, ի՞նչ գանգառներ ունեմ: Պատմում եմ, որ ինքնազգացողությունս թույլ էր, շարունակ ինձ հիվանդ եմ զգացել, ասես մշտական հարբուխ ունենայի. կոկորդս էր ցավում, ջերմում էի, նաև գլխացավեր և ստամոքսացավեր ունեի, լնդերից արնահոսություն, և, ի վերջո, մարմնիս կապտուկներ էին հայտնվում՝ առանց հարվածի, առանց որևէ պատճառի, հատկապես վերջույթներիս:

Պատմում եմ ու տեսնում բժշկի աչքերում մեծացող համոզումը. նախնական ախտորոշումը ճիշտ է: Քիչ անց ներս կմտնի բուժաշխատակիցը, բժշկին ինչ-որ թղթեր ցույց կտա: Կնայեն ինձ, կժշտեն՝ արդյոք իմ որդին հուսալի ձեռքերում է, ունի՞ այլ խնամող: Ոչ մեկ օրվա համար: «...Դուք այստեղ մնալու եք երկար, շատ երկար»:

Գլխավոր բժիշկը

Տարեց մարդ էր:

- Արյան լեյկոզը հաստատվեց,- ասում է չափավոր տխրությամբ: - Քիչ ուշ կիմանանք առավել հանգամանալից հետա-

զոտությունների արդյունքներն ու Ձեզ կտեղեկացնենք ենթատեսակի ու բուժման ընթացքի մասին:

Հարցնում եմ.

- Հիմա ինչքան պետք է մնամ այստեղ:
- Նախ մեկ-երկու ամիս,- պատասխանում է հանգիստ:
- Իսկ ընդհանուր բուժումը:
- Եթե ամեն ինչ լավ ընթանա, ապա մեկ տարի:

Եթե ամեն ինչ լավ լինի: Ականջներս խշշում են: Լսում եմ ու չեմ հավատում: Միլիոն հարց ունեմ: Ոչ միայն բժշկին, որ շտապում է եզրափակել զրոյցը՝ ասելով, որ դեռ շատ հետազոտություններ պիտի արվեն:

- Բուժումն արագ ու հեշտ չի լինի,- ասում է,- անցնելիք ճանապարհ ունենք՝ երկար ու ոչ դյուրին: Մոռացեք ճամպուրկային տրամադրությունը, պառկեք հանգիստ: Արցունքներս հոսում են: Պառկեմ հանգիստ:

Անձանոթները

Որդուցս չեմ բաժանվել երբեք: Ես չգիտեմ, թե ինչպես են ժամանակը սպանում: Երբեք անգործ չեմ եղել: Ես սիրում եմ պրպտել, գտնել, սովորել, շարժման մեջ լինել: Ես տեղում կանգնել չգիտեմ: Կանգնում եմ, երբ հարկ է ձեռք մեկնել մեկ ուրիշին՝ բարձրացնելու և նորից առաջ սլանալու համար: Ես վազող մարդ եմ, որը միշտ ասում էր՝ կհանգստանամ շիրմաքարի տակ, հիմա պետք է գործել, կյանքն ախր եռում է:

Եվ ինձ ասում են՝ պառկեք հանգիստ, ֆրաու Քոչար:

Ներեցեք, բայց ես ու հանգստությունը չենք ճանաչում իրար: Մենք անձանոթներ ենք: